

會員集卷之二

夜七

木金間隔

超然子王吉昌撰

行香子

本性慈仁體順融金混難分返復浮沉運元

祖性造化幽深得木抽金去木罷相侵○

精變遊魂湛入禪心香冥時蹤跡難尋無中

顯有透古通今自魄安魂魂勝魄鬼神歛

又

震內藏庚金乙成烟假冲和雷電交陳龍吟

虎嘯幽谷澄神向香冥中風雲裏傲全身○

煙雨濛濛茅草新正東君經緯長春岷山

火袞一而藏真已泯抽添無間隔返歸純

又

震乙情柔酷愛庚金角尚和律應清音水人

鼓掌石女調琴顯巧施仁勤行義道情深○

二物相融交互浮沉火煎煮體變而金開蒙

既濟陽鍊勝陰得復根元分魄魄識真心

木去金

行香子

木隱金形金色浮存木森森有像稱尊金德

火力追引遊魂自客先還獨存主各歸根○

去住基分性命雲屯樂天具點點昏昏甚成

陽體霞步高奔得傲玄玄躋壽域出乾坤

金去木

行香子

金體堅剛木性柔和辯真主火力功多剛為

圭常柔像銷磨顯各還元歸本性息風波○

透入神鑪霞罩卷我放銀鉛花綻婆娑輝光

滿室神變無何鎮託蓮宮遊紫府恣蹠蹠

水火交互既濟

南鄉子

坎內一陽停本性澄清照物形具火炎炎功

足顯叮嚀既濟氤氳寶瓶○神用奮威靈

氣證并沉聚戊癸日耀飛騰烹藥鼎蘭馨造

化功成入香冥

又

火裏六陰培熾艷心藏點黑煤功表清冷真

水象神旺中氣抽添自往來○赫赫振金雷

煙雨瀟瀟暎斗魁造化自家天地合心及拍

寒乾坤道體恆

水火昇降因土

南鄉子

戊己媾陰陽幹運專權攝四傍驅駕天元隨

呼吸非常來往綿綿造化昌○氣聚結玄霜

壺鼎冰凝透體香神變靈通歸物外清涼無

礙真空置道場

又

離苑綠波飛坎殿澄清奮火威變化降昇凝

真象功歸土德恢弘幹妙機○梨棗體嬌肥

玉女慙慙紫微香襯彩霞光日月魏魏無

像圓明法界輝

坎離氣變還元

南鄉子

癸府隱銀鉛朱汞神宮裏瑞煙變化遊魂成

風動樞旋運入黃庭造化權○離去水為乾

坤體無陽厚德全二氣經營仙藥就功圓出

世名標聞九天

又

水府火龍藏煙霧朦朧瑣桂光氣動隨風成

造化中央聚變刀圭藥味香○不見坎中陽  
虛室無陰本體彰育出朝元真浩氣瓊漿攢  
簇丹鑪結玉霜

貪狼巨門

醉桃源

杓樞貪巨秉天真玄皇附耳親扶持五蘊已  
通神都收萬劫塵○寂然定體清新溫存一  
性純冥冥物外傲長春逍遙月作鄰

祿存文曲

醉桃源

祿存文曲附神光驅驅逐色忙昧禪徒亂角  
和商如何作道場○雙簾掩瑣明堂仙童奪  
正陽神功機在性昭彰冥冥混八方

武曲廉貞

醉桃源

武廉幽貫地天根綿綿息若存六天交戰定  
朝昏丹鑪火力溫○驅神窟養生門玄功主  
掌尊北關天閉鍊陽魂雲霧性命屯

破軍

醉桃源

破軍雄鎮北方陰牢封地戶深真風高捲鎖  
猿心亂氣氣制禽○三田貫五神欽元胎體  
變金群魔離位九陽臨功成耀古今  
左輔右弼玄牝

醉桃源

司分木火地天通玄關主掌雄鹿羊神輅逗  
真風都歸保運功○樞九竅貫三宮熏蒸藥  
鼎紅萬神輻輳性疎通無形廓太空

醉桃源

暗藏兩曜撫坤乾綿綿息斡旋扶持來往貫  
三田還元五氣全○河車運玉鑪煎炎炎結  
汞鉛彩霞光襯晃禪天明明性月圓  
八卦配九宮

醉落魄

陰陽氣結乾坤派六爻交設四分九數明羅  
列兩道推移周歲用相迭○慙慙進取功無  
缺抽添加減應時節烹成二八丹威烈吸海  
吞山方寸道明徹  
坤卦老陰之象

木蘭花慢

木蘭花慢

剖坤柔立象太陰體換三陽因六變心虛關  
開寶腹應候呈祥冲和易靈變態運聖功旋  
轉幹天罡消息栽培道化六宮較轉中央○  
融融品物含章歸土德密收藏性與命感通  
箇中將養氣孕玄霜香浮彩霞烜赫混浩然  
純粹散諸方造化冥冥極妙超九不離玄黃  
乾卦老陽之象

木蘭花慢

判乾元剛象德純貞利元亨運一氣氤氳施  
生品物分布形成調和四時簡易正始終機  
動應經營日月東西出沒總因元氣流行○  
參羅列曜循環晃家廓體輕清盡變化無方  
杳冥真造內隱精誠醞就命基性燭混太虛  
模樣貌崢嶸了了真空無礙八絃揮斥難名  
風入松

風入松

乾坤兩卦上天梯分柔健高低六關交變推  
天道斡璇璣日月東西妙採精華成液通神  
息飲刀圭○溶溶金水泛曹溪得九轉功齊  
變成丹體香風裊木童壽域長躋顯出元  
初氣斲廓胃襟吐虹霓

又

乾坤羅列道綱維幹斗轉星移守遷飛伏隨  
方變應周天衰旺相推保護坎離丹藥啓玄  
牝契希夷〇冥冥杳杳入無為會三姓相期  
應時烹鍊循火數結圓明二八芳姿徹地通

天聖變表身外顯容儀

又

乾坤爻變括天心樞簡易浮沉幹旋昇降成  
甘露種黃芽陸地根深欲灑滋榮金藥丹霞  
照萬神欽〇雲收天靜酒重斟韻聒耳鳴琴  
醪醑酌乘風舞恣神怡鼓掌歌吟深入洞  
天靜境得真樂寫知音

又

陰陽爻變圻乾坤運一氣高奔推移動靜分  
昇降攝浮沉造化歸根引養谷神不死表塞  
允閉其門〇七星羅列遠崐崙分取捨司存  
扶持日進無為道現神光金色高噴巧醞華  
英成秀露玄體證陽魂

又

乾坤簡易定長生推變化虛盈點契四時神

功用泄冲和品物生成茂養深根固蒂臨金  
井吐瓊英〇芳姿香靚彩霞明聒萬籟聲清  
造化冥冥無中有顯虛皇陽體飛行縱橫恣  
遊法界廓神變混無名

又

乾坤鼎沸鍊神丹聚虎肺龍肝合和蟾鳳凝  
嘉瑞變盈空甘露薄溥飲掠烹成金液噴真  
味露椒蘭〇崢嶸酌飲醉乘鸞韻法曲吟彈  
舞袖婆娑容儀整傲清風明月天寬一段清  
涼活計占長春得真懂

又

乾坤分布派春秋進九六添抽陽昇陰復生  
元氣輔靈臺配定剛柔進退八歸六聚定浮  
沉顯真修〇瓊漿八味一渠流聚百寶相投  
滋榮君聖民安富樂陶陶馳驟神洲天地不  
能陶鑄無為體恣優游

又

乾坤爻體兩相纏統造化機權剛柔變態分  
動靜幹生成運契周天日月陰陽匹配聚成  
室鎮圓圓〇兩情將養入瓊田梵玉雪團團

占得長生曾漢路向五湖四海留連領略尊  
禪祖意抱真樂復便便

又

乾坤爻幹氣玄黃攝進退陰陽造化數符周  
火候動清風遞轉天罡簡易浮沉變態吐消  
息醞瓊漿〇仙童饒飲奏官商引歌舞悠揚  
半醉式微明月下主邀賓笑傲中堂帝服群  
魔遁跡擅祖意轉清涼

又

乾坤管魄鍊陽精攝離坎煎烹九運七返神  
功用定細縕氣象推行日月照臨滿室和二  
物產瓊英〇器成常靜體無傾飽浩氣輕清  
內全得一真靈顯露元初模樣圓明不在地  
天機教超物外任縱橫  
乾坤卦象明道

蘇幕遮

序乾坤分賓主匹配周天甲己局分五六十  
時歸五日聚五六三六六依策補〇離中  
己坎藏戊離坎交媾二土刀圭祖減息綿綿  
自飲取鎮日志情定裏神歸姥

牆頭花

☳復

黃鍾應律一點陽生速陸地泉深地雷復坤  
柔立象神交體變鉛昇承伏○長男尊女月  
殿回恩育造化風雷兩情睦青牛駕起河車

七七

海底雲煙擁簇○靈臺凝結氣氤氳體清肅  
混合歸丹室煮炎炎異香馥郁來百日功  
夫初九爻成退六

牆頭花

☳臨

陽昇地澤鼓潤臨春候地軸天關體相救四  
維十干番騰逆轉黃河水湊○雙關袞沸漱  
灑曹溪透木馬嘶風過巡狩玉京山引駕泥

牛牧童眠雲左右○玄通驅玉液激灑月堂  
逗不放三尸神劣撫離宮盡輻輳大都龍躍  
功程顯出丹田德就

牆頭花

☳泰

地天交泰正是通玄與白虎青龍氣相導威  
風鬱罩靈臺區區玉京引到○木童興逸功

書成顛倒湛入壺天樂長傲氤氳浩養形全  
獨顯卓然雅操○飛行玄體健偃仰瑞雲踏  
縱放徘徊喜功表陰陽兩停造推排清靜因  
緣萬劫塵情盡掃

牆頭花

☳大壯

雷天大壯匝地和風起速振龍威躍淵水時  
當密固玄黃暗盜陰陽骨髓○魂凝烜赫魄  
散群魔止志逸神全道情喜收拾一段清涼  
捧出心花綻藥○澄澄絕點翳真性顯窮理

愛怨桃康死五氣奔騰玉關東冥冥晝夜神  
功功超蓬瀛證彼

牆頭花

☳夫

飛龍踴躍造化塵九裏上接雲天施澤美冥  
冥吐霧噴煙引惹和風競起○氤氳變化健  
體乘金柅高越蓬山恣情喜不知舞踏歌彈  
月底翔翔不已○希夷真樂受無為體如歸  
步步雲蹤速廓達騰程自由已功憑氣滿神  
宮顯得長生久視

牆頭花

☰乾

乾天極處健體全滋育飛上崑崙六陰逐九  
陽和暢咸亨驅未回還已伏○璇龍悔恨怒  
捲雲雷速密降瓊珠結玉粟齋排國富民安  
證果刀圭入腹○熏蒸陽體健冥冥道情肅

返本真消息驅白留青瑞煙簇巍巍聖境修  
全已見如如面目

牆頭花家

☳姤

乾坤正否兩隔陰陽位天參歸元九還至法  
界最好乘龍擁簇笙簧韻美○真惟真樂配  
酹真自醉滿腹香噴混清吹冥然束體純陽  
吟彈飛行作戲○卷舒安消息靜魂凝制性  
光熾上傲三天際身外觀形顯不二分明物

物頭頭全露西來祖意

牆頭花家

☳觀

風地大觀六四樞神變始露元初舊頭面塵  
襟水潔無疵秀氣虹霓出現○鍊神合道法

像隨空轉應變無方體明銜白牛牽過天河  
回頭主人不見○月空明形無影行無伴樂  
獨擅雪路西歸去點淡天寬恣遊宴拍懷颯  
颯風清一點河沙撒適

塙頭花衮

☰☳ 剝

山地剝盡始見靈通性瑩徹天涯迥清淨恆  
弘法界真空變態冥冥契聖○分開鐵壁捧  
出如如鏡一點無虧混真命非中非外圓融  
物物頭頭究竟○透三天通九地神和暢志  
恬靜本有清涼貌不減不增顯中正放開拍  
塞虛空道體崢嶸有慶

塙頭花衮

☷☷☷ 坤

坤元復本捧出純乾位兩正分形體離器舍  
弘光大冥冥無像陽魂顯瑞○不空不有喚  
覺西來意物我光塵總無累如今了了元初  
遍撒諸方不二○相無儀神無礙通千變體  
一致朗朗真空露究竟圓通貌清粹純純一  
混希夷生滅梯磴速離

九還陽丹進道

減字木蘭花

長男尊女甲帳辛堂同宴處一返遊魂閃爍  
鐘開火力温○風雷酷烈威赫雲深明電掣  
煙雨濛濛飛下金烏宿桂宮 右初一日 震偶巽

一陽光啓戊室盤旋離合體二返鉛葩永鼎  
温温進火車○深連巨海踴出神驚飛五彩  
洞瑣煙霞密罩金童弄月華 右初二日 坎偶離

山通澤氣亂捲雲騰風浪沸三返鑪煎熾焰  
炎炎映洞天○奇蓮煥吐五葉香浮霞萬縷  
信手拈來捧弄輕便上月臺 右初三日 艮偶兌

乾坤呈瑞六合三才八卦備四返歸真一粒  
神丹氣像新○見前心定醪酌沉沉渾未醒  
子母團圓雲步長春法界天 右初四日 乾偶坤

巽榮春谷辛水溶溶滋震木五返雲雷玉柱  
蟾宮應候開○月娥清寫風震庚金調木馬  
功顯強兵火袞深淵四海平 右初五日 巽偶震

己從戊室藥味烹煎成玉質六返金光烈焰  
輝輝滿洞房○內全養浩壯觀醜顏能永保  
體透清香捧出陽魂樂道場 右初六日 離偶坎

澤山同器一點精華天癸至七返丹成遠放  
流霞射玉清○氣安神定滌蕩塵煩心月瑩  
獨露禪天萬派波澄一樣圓 右初七日 兌偶艮

坤乾情睦十二周天明二六八卦循環驅率  
陰陽造化間○時當交泰昧爽氤氳神氣會  
體鍊純陽輕健水姿散異香 右初八日 坤配乾 陰陽通得六合

返還成數八卦及抽同體聚藥祖完全運就  
三三九九天○歸根復命鼎冷丹凝常樂淨  
烜赫金光透體明連滿室香 右九日 九陽 而運元

會真集卷之二